

Hafi nemandi staðist próf getur hann óskað eftir, ef sérstakar ástæður eru fyrir hendi, að fá að endurtaka prófið. Heimili deildarfundur endurtöku skal hún fara fram í næsta skipti sem viðkomandi próf er haldið. Seinni einkunnin skal gilda.

Skrifstofa háskólans sér um færslu einkunna og varðveislu þeirra. Hún sér um að birta nemendum einkunnir. Að liðnum fjórum árum frá prófdegi skulu úrlausnir eyðilagðar.

Rektor ræður prófstjóra sem annast undirbúning og framkvæmd prófa í samráði við deildarforseta og skrifstofu háskólans.

Próftöflur skulu liggja fyrir eigi síðar en fjórum vikum áður en viðkomandi próftímabil hefist. Prófstjóri sér um að koma próftöflum til allra umsjónarkennara sem próf eiga á töflunni og birta nemendum þær á auglýsingatöflum skólans.

Háskólaráð skal setja sérstakar, nánari reglur um prófahald en hér er kveðið á um.

#### V. KAFLI Gildistaka o.fl.

19. gr.

Reglur þessar eru samþykktar á grundvelli laga nr. 136/1997 um háskóla og laga nr. 40/1999 um Háskólann á Akureyri. Reglur þessar öðlast þegar gildi.

Þannig samþykkt af háskólaráði þann 3. desember 1999.

*Háskólanum á Akureyri, 3. desember 1999.*

**Þorsteinn Gunnarsson**  
rektor.

**Steingrímur Jónsson**  
ritari háskólaráðs.

20. desember 1999

Nr. 889

## GJALDSKRÁ

### Hitaveitu Brautarholts í Skeiðahreppi.

1. gr.

Hitaveita Brautarholts selur afnot af heitu vatni úr veitukerfum þeim, sem gerð hafa verið og verða gerð, eftir þeim reglum, sem settar eru í gjaldskrá þessari, sbr. og reglugerð Hitaveitu Brautarholts staðfestri.

2. gr.

Hitaveitan lætur þeim húsum, sem tengd eru veitukerfi hennar, í té vatnsmagn, er ætla má að nægi til hitunar, enda séu hitakerfi nógu stór að dómi hitaveitunefndar.

3. gr.

Hitaveitan lætur setja rennslismæla á inntök þeirra húsa, sem tengd eru hitaveitunni.

4. gr.

Hitaveitunefnd lætur lesa af mælum hitaveitunnar á tveggja mánaða fresti. Ef mælir bílar áætla hitaveitunefnd vatnsnotkunina með hliðsjón af fyrri notkun, þar til viðgerð hefur farið fram.

## 5. gr.

Gjöld fyrir dreifingu heita vatnsins eru sem hér segir:

1. Vatnsgjöld:

Vatn um mæli	kr.	30,00 á m <sup>3</sup>
--------------	-----	------------------------
2. Mælagjöld á mánuði:
  - a) Fyrir mæla allt að 3/4" kr. 500,00
  - b) Fyrir mæla 1" - 2" kr. 1.000,00
3. Hitaveitunefnd hefur heimild til að gefa stórum notendum afslátt frá þessu gjaldi.
4. Á gjöld þessi leggst virðisaukaskattur samkvæmt lögum og reglum á hverjum tíma.

## 6. gr.

Gjald dagar hitaveitugjalda skv. 5. gr. eru sem hér segir:

Fyrir janúar febrúar, 20. mars. Fyrir mars apríl, 20. maí. Fyrir maí júní, 20. júlí. Fyrir júlí ágúst, 20. september. Fyrir september – október, 20. nóvember. Fyrir nóvember – desember 20. janúar.

Gjöldin skal greiða til innheimtumanns hitaveitunnar, eða innheimtustofnunar, sem hann vísar til.

## 7. gr.

Heimædagjöld hitaveitunnar skal miðað við heildarrúmmál húsa og vera sem hér greinir fyrir eina heimæð:

Hús allt að 400 m <sup>3</sup>	kr.	88.900,00
Hús 400-2000 m <sup>3</sup>	kr.	88.900,00 fyrir 400 m <sup>3</sup> og
	kr.	72,00 á hvern m <sup>3</sup> þar fram yfir.
Hús stærri en 2000 m <sup>3</sup>	kr.	205.000,00 fyrir 2000 m <sup>3</sup> og
	kr.	61,00 á hvern m <sup>3</sup> þar fram yfir.

Stofngjald fyrir hvern aðrennslismæli umfram einn á sama inntaki er kr. 3.600,00.

Heimædagjald er gjaldkræft, þegar tengingu heimæðar er lokið.

## 8. gr.

Hitaveitu Brautarholts er heimilt að hækka eða lækka gjöld skv. 7. gr. í sama hlutfalli og vísitala byggingarkostnaðar, að fenginni staðfestingu iðnaðarráðuneytisins.

## 9. gr.

Öll gjöld samkvæmt gjaldskrá þessari má taka fjárnámi á kostnað gjaldanda.

## 10. gr.

Hitaveitan hefur rétt til að láta loka fyrir rennsli heita vatnsins að húsi eða íbúð notanda, sem vanrækir að greiða hitaveitugjöld. Fyrirætlun um lokun skal tilkynna á sannanlegan hátt með 7 daga fyrirvara. Allan kostnað við lokun og opnun á ný greiðir sá, sem vanskilum veldur kr. 1.910,00 hverju sinni.

## 11. gr.

Eftirlitsmanni hitaveitunnar skal hvenær sem er frjáls aðgangur að öllum mælum, hitagjöfum og vatnsæðum sem eru í sambandi við hitaveituna. Er húseiganda skylt að hlíta tafarlaust fyrirmælum hans um viðgerðir vegna bilana og sérhverjum ráðstöfunum til varnar gegn misnotkun á heita vatninu.

## 12. gr.

Gjaldskrá þessi sem hreppsnefnd Skeiðahrepps hefur samið og samþykkt, er hér með staðfest samkvæmt orkulögum nr. 58, 29. apríl 1967 til þess að taka gildi 1. janúar 2000. Jafnframt er úr gildi felld eldri gjaldskrá sama efnis nr. 78, 19. febrúar 1991.

*Iðnaðarráðuneytinu, 20. desember 1999.*

F. h. r.

**Jón Ingimarsson.**

*Katrín Jóhannsdóttir.*

## REGLUGERÐ

### um úthlutun á tollkvótum vegna innflutnings á blómum, trjám o.fl.

## 1. gr.

Fyrir það tímabil sem tilgreint er í 2. gr. úthlutar landbúnaðarráðherra tollkvótum skv. viðauka III B, við tollalög númer 55/1987, með síðari breytingum í samræmi við tillögur nefndar skv. 75. gr. laga nr. 99/1993, með síðari breytingum.

## 2. gr.

Ákvæði eftirfarandi töflu gilda um tollkvóta, tímabil innflutnings, verð- og magntoll:

Vara	Tímabil	Vörumagn kg	Verðtollur %	Magntollur kr./stk	
<b>Tollnúmer:</b>					
0602.2000	Tré, runnar og búskar, einnig ágrætt sem ber æta ávexti	01.01.-31.12.00	ótilgr.	30	0
0602.3000	Alparósir og glóðarrósir, einnig ágræddar	01.01.-31.12.00	ótilgr.	30	0
0602.4000	Rósir, einnig ágræddar	01.01.-31.12.00	ótilgr.	30	0
	<b>Annað:</b>				
0602.9030	Matjurta og jarðarberjaplöntur	01.01.-31.12.00	ótilgr.	30	0
	<b>Annað: Útíplöntur: - Tré, runnar og búskar</b>				
0602.9041	Skógartré	01.01.-31.12.00	ótilgr.	30	0
	<b>Annað:</b>				
0602.9045	Græðlingar með rót og unglöntur	01.01.-31.12.00	ótilgr.	30	0
0602.9049	Annars	01.01.-31.12.00	ótilgr.	30	0
	<b>Aðrar útíplöntur:</b>				
0602.9051	Fjölærar jurtkenndar plöntur	01.01.-31.12.00	ótilgr.	30	0
	<b>Inniplöntur:</b>				
0602.9070	Græðlingar með rót og unglöntur ekki kaktusar og þykkbl.	01.01.-31.12.00	ótilgr.	30	0
	<b>Annað:</b>				
0602.9091	Kaktusar og þykkblöðungar	01.01.-31.12.00	ótilgr.	30	0
0602.9092	Pottaplöntur af ættkvíslinni Bromilea	01.01.-31.12.00	ótilgr.	30	0
0602.9093	Aðrar pottaplöntur til og með 1 metri á hæð	01.01.-30.04.00	2,500	30	0
0602.9099	Annars (Pottapl. yfir 1 metri á hæð)	01.01.-31.12.00	ótilgr.	30	0
	<b>Úr tollnúmeri:</b>				
0602.9093	Plönturnar Erica Gracilis og Calluna	01.01.-31.12.00	ótilgr.	30	0
0602.9093	Plöntur af ættkvíslum brönugrasa „orchids“	01.01.-31.12.00	ótilgr.	30	0
	<b>Tollnúmer:</b>				
0603.1002	Innflutningur á öðrum tíma (Nellikur, lokaskegg o.fl.)	01.05.-30.11.00	ótilgr.	15	48
0603.1003	Ættkvíslirnar Prote, Bankasía o.fl.	01.01.-31.12.00	ótilgr.	30	0
0603.1004	Afskornar greinar með berjum og ávöxtum	01.01.-31.12.00	ótilgr.	30	0
0603.1009	Annars (Afskorin blóm)	01.01.-30.04.00	5,500	30	0
0603.9000	Annað (Þurkuð blóm)	01.01.-31.12.00	ótilgr.	30	0